

Ndaa Cati Sedda Nder Yimre Nde Sheehu Usmanu Bii Foduye Yusbi Wi'eteende:

Yayre Tsaamiya

1. Mi yettiima yaa Rahmaanu hooti mi silmini
Cubaado he be yaakiibe mo ina nuuddini
2. Mi yettima yaa Sattaaru haakkan mi labbini
Hakiika'a suuriyyam he modjere timmani,
3. Mi tammake suuraayam alaahira haakazaa,
Mi laato sa'iidiijo mo modjere timmani
4. Wondaagi no cuudaa yimbe yiigo ayiibe am
Da neddo walaa ginniido yam hakko teddini
5. A handinoyiiyam yimbe aw koo mi hawta dhum,
Walaa kandotoodo sey mo Allahu handini.
6. Wondaagi no dhum mi yi'ay dubuuje he Kawye'am
He keeditii ko mbiimi kooni ndaare ko semtini
7. Mi yetti Ceniido min mi jiibaaka njibdu ndun,
Ndu jullu jibortoo koo he jangube kebbini.
8. Mi yetti Ceniido ngam ko yimbe tawammi bo,
Mi laataaki nder yimbe be dammuude kublani.
9. Mi yettiimo bo dow andinneego bo anniya,
Yo kam woni koome finmi nder be o findini.
10. O wanginaniyyam diina maako no rootori
He kiita mo zaahiri do'o he kiita mo baaadini.

Page 1 out of 9